



Adresa: **Ul. H. Čemerlića 39**
71000 Sarajevo
<http://www.voda.ba>

tel. +387 33 726 415
fax. +387 33 726 423
e – mail: info@voda.ba

Broj: UP-1/21-3-40-028-5/24
Datum: **27.02.2024.**

«Agencija za vodno područje rijeke Save» Sarajevo rješavajući po zahtjevu Investitora „HIFA PETROL“ d.o.o. Sarajevo, poslovna jedinica Travnik za donošenje rješenja o vodnoj dozvoli za ispuštanjem oborinskih, onečišćenih voda sa lokacije objekta benzinske crpke koja se nalazi u naselju Turbe, općina Travnik, na osnovu člana 109. stav 1. Zakona o vodama («Službene novine Federacije BiH, broj 70/06») i člana 200. Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola Investitoru „HIFA PETROL“ d.o.o. Sarajevo, poslovna jedinica Travnik, za ispuštanjem oborinskih, onečišćenih voda sa lokacije objekta benzinske crpke koja se nalazi u naselju Turbe, općina Travnik, na zemljištu označenom kao kp.br. 628/1 i 1426, K.O. Turbe, općina Travnik.
2. Ova vodna dozvola se odnosi isključivo na ispuštanjem oborinskih, onečišćenih voda sa lokacije objekta benzinske crpke, definirane tačkom 1. Rješenja i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Kantona Središnja Bosna, u skladu sa članom 139. stav 2. tačka 1. i 2. Zakona o vodama («Službene novine Federacije BiH» broj 70/06).
3. Vodna dozvola se daje na osnovu pregleda dostavljene dokumentacije, izvršenog uviđaja, utvrđenog činjeničnog stanja i uz slijedeće uvjete:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom.
 - 3.2. Da korisnik predmetnog objekta, za vrijeme trajanja ove dozvole, osigura da se onečišćene vode sa prometnih, radnih i manipulativnih površina, nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti), a zatim ovako tretirane vode, preko okna za monitoring, ispuštaju u lokalni vodotok.
 - 3.3. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.4. Da se skladištenje nafte i naftnih derivata vrši u dvoplašnim, podzemnim spremnicima kapaciteta 250 m³ (5x50).
 - 3.5. Objekte čija je svrha odvođenje i prečišćavanje onečišćenih voda (separator ulja i masti, slivnici i rešetke, kanalizaciona mreža) treba redovno održavati i koristiti na način koji će osigurati njihovu potpunu ispravnost i funkcionalnost.
 - 3.6. Prečišćene oborinske vode moraju ostati u maksimalno dopuštenim granicama javne kanalizacije («Službene novine Federacije BiH», broj 26/20, 96/20 i 1/24).
 - 3.7. Da se redovno vrši monitoring prečišćene otpadne vode iz svih ispusta shodno članu 19. i 20. Uredbe o uvjetima ispuštanja otpadnih voda u okoliš i sisteme javne kanalizacije, te

- pojedinačne i zbirne godišnje izvještaje dostave Agenciji u skladu sa članom 23. iste Uredbe.
- Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uvjetima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH”, broj 14/10, 14/13 i 26/14).
- 3.8. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.
- Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti i izdvojenim naftnim derivatima.
- 3.9. Osigurati priručna sredstva za brzu intervenciju u slučaju nekontroliranog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
- 3.10. Talog iz separatora se ne smije ni privremeno odlagati na česticu „vodno dobro”, odnosno u vodotoke i na njegove obale.
- 3.11. Da se, sukladno propisima iz oblasti zaštite okoliša, vrši sigurno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.12. Vršiti redovnu kontrolu međuplašnog prostora spremnika, njihovo čišćenje, kao i kontrolu rada.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
5. U periodu važenja ove dozvole, investitor odnosno korisnik „HIFA PETROL” d.o.o. Sarajevo, poslovna jedinica Travnik, za izgrađenu benzinsku crpku u naselju Turbe, je dužan provoditi sve mjere i aktivnosti propisane istom.
6. Ukoliko radom predmetnog poslovnog objekta dođe do promjene režima voda, a te promjene uzrokuju šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta odnosno zaključka.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav 1. Zakona o vodama („Službene novine Federacije BiH” broj 70/06) se daje sa rokom važenja od 5 (pet) godine od dana pravosnažnosti ovog rješenja.
11. Prije isteka važnosti ove dozvole Investitor „HIFA PETROL” d.o.o. Sarajevo, poslovna jedinica Travnik, za izgrađenu benzinsku crpku u naselju Turbe, dužan je da zatraži izdavanje nove vodne dozvole.

Obrazloženje

Investitor „HIFA PETROL“ d.o.o. Sarajevo, poslovna jedinica Travnik, podnio je zahtjev za izdavanje vodne dozvole za ispuštanjem oborinskih, onečišćenih voda sa lokacije objekta benzinske crpke koja se nalazi u naselju Turbe, općina Travnik, na zemljištu označenom kao kp.br. 628/1 i 1426, K.O. Turbe, općina Travnik.

U provedenom postupku uz zahtjev za donošenje rješenja o vodnoj dozvoli, dostavljena je sljedeća dokumentacija:

- Aktuelni izvod iz sudskog registra broj: 065-0-Reg-23-010257 od 27.09.2023. izdano od općinskog suda u Sarajevu,
- Kopija Uvjerenja o poreznoj registraciji od 23.02.2005.godine, izdanog od strane Porezne uprave – Kantonalni ured Sarajevo,
- Ovjerena kopija Uvjerenja o upisu u jedinstveni registar obveznika indirektnih poreza broj: 04/1-UPJR/1-3511-2/08 od 20.15.2008.godine, izdanog od strane Uprave za indirektno-neizravno oporezivanje Banja Luka,
- Kopija uplatnice administrativne takse,
- Kopija uplatnice po Zaključku o posebnim troškovima,
- Građevinska dozvola za benzinsku crpku br: 04/6-23-1734/01 od 01.10.2001.god, izdanog od Službe za urbanizam, građenje, katastar i imovinsko pravne poslove, općine Travnik.
- Rješenje o vodnoj dozvoli br UP-I/25-3-40-378-5/17 od 05.07.2017, izdan od AVP Sava na korisnika „IGO BENZ“ d.o.o. Travnik,
- Projektno tehnička dokumentacija „BENZINSKA PUMPA- VRILO“ izrađen od DOM PROJEKT d.o.o. Travnik iz 6/2015.,
- Izvještaj o ispitivanju kvaliteta tehnoloških otpadnih voda izrađen od „TQM“ d.o.o. Lukavac br.1/1 od 12/2023.,
- Zapisnik o čišćenju i održavanju separatora i septičke jame sklopljen s poduzećem „DELTA PETROL“ d.o.o. Kakanj,
- Izvod iz tehničke dokumentacije koji se odnosi na ugrađene dvoplašne spremnike kao i separator ulja i masti,
- Ugovor o zakupu između vlasnika „IGO BENZ“ d.o.o. Travnik i zakupoprīmca „HIFA PETROL“ d.o.o. Sarajevo, NOTAR Halid Goran, oznaka spisa OPU-IP:1599/2023

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak poslovnog objekta i tom prilikom je sačinjen zapisnik o uviđaju broj: UP-1/21-3-028-4/24 od 22.02.2024. na kome je konstatirano sljedeće:

Objekat benzinske pumpe sa pratećim sadržajima je izgrađen u naselju Vrilo-Paklarevo bb, općina Travnik, na zemljištu označenom kao kp.br. 628/1 i 1426, K.O. Turbe, općina Travnik.

Objekt je u najmu poduzeću „HIFA PETROL“ d.o.o. Sarajevo a sve je regulirano ugovorom o zakupu između vlasnika „IGO BENZ“ d.o.o. Travnik i zakupoprīmca „HIFA PETROL“ d.o.o. Sarajevo, NOTAR Halid Goran, oznaka spisa OPU-IP:1599/2023.

Objekt benzinske crpke se sastoji od maloprodajnog objekta sa sanitarnim čvorom, uredskog prostora, kafe bara, nastrešnice sa automatima za istakanje goriva, podzemnih dvoplašnih spremnika za skladištenje goriva, separatora masti i ulja i lokalnog kanalizacionog sustava s preljevom u rijeku Lašvu.

Zauljene oborinske vode sa radnih, prometnih i manipulativnih površina se sistemom uličnih slivnika i kanalizacionih cijevi prikupljaju i odvođe do montažnog separatora ulja i masti kojeg prazni i održava poduzeće „DELTA PETROL“ d.o.o. Kakanj.

Preliv iz separatora je u lokalni kanalizacioni sustav s preljevom u rijeku Lašvu.

Sanitarne i fekalne vode su spojene na lokalni kanalizacioni sustav s preljevom u rijeku Lašvu.

Radne, prometne i manipulativne površine su završno obrađene asfaltom odnosno betonom, sa padovima prema rešetkama i slivnicima.

Vodoopskrba je sa lokalne vodovodne mreže i za istu se do sada nisu vršila mjerenja količina zahvaćene vode.

Smještaj goriva se vrši u ukopanim čeličnim dvoplašnim spremnicima ukupnog kapaciteta 250 m³ (5x50).

Na kontrolnom šahtu između separatora i lokalnog kanalizacionog sustava ne vrši se monitoring otpadnih voda.

Za benzinsku crpku Investitor je pribavio projektno tehnička dokumentacija „BENZINSKA PUMPA VRILO“ izrađen od DOM PROJEKT d.o.o. Travnik.

Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja, propisani uslovi kojih se dužan pridržavati pri korištenju objekta, u skladu sa odredbama članova 53. i 116. Zakona o vodama, odredbama člana 3. tačka s) i cc) Uredbe o uslovima ispuštanja otpadnih voda u okoliš i sisteme javne kanalizacije i odredbama člana 12. i 13. Pravilnika o sadržaju, obliku, uvjetima i načinu izdavanja i čuvanja vodnih akata, konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih i tehnoloških otpadnih voda, te je riješeno kao u dispozitivu ovog rješenja. Na osnovu provedenog postupka konstatira se da je podnosilac zahtjeva „HIFA PETROL“ d.o.o. Sarajevo, poslovna jedinica Travnik za izgrađenu benzinsku crpku u naselju Turbe, ispunio minimum uvjeta za izdavanje vodne dozvole za ispuštanjem oborinskih, onečišćenih voda sa lokacije te je riješeno kao u dispozitivu ovog rješenja.

Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradio:

Marko Barić, dipl.ing.grad.

Po ovlaštenju

Rukovodilac Sektora za izdavanje vodnih akata



Haris Ališehović
Haris Ališehović, dipl. ing.grad.

Dostaviti:

- „HIFA PETROL“ d.o.o. Sarajevo, Hotonj bb, Vogošća
- AVP, ISV – Vodna knjiga
- Sektor 50
- Sektor 40, arhiva
- Oglasna ploča-AVP Sava